



čoahkkín | møte

: riikkačoahkkín/landsmøte 2018

beaivi ja báiki | tid og sted

: Guovdageaidnu, 30.11. ja/og 1.12.

1 Norgga Sámiid Riikkasearvvi njuolggadusat

2 § 1 Namma

3 Searvvi namma lea Norgga Sámiid Riikkasearvi / Vuona Sámiij Rijkasiebrre / Nøørjen Saemiej Rijkesiebrrie /
4 Norske Samers Riksforbund. Searvvi namma lea Norwegian Saami Association engelasgillii. Searvvi namma
5 oaniduvvo buot gielain NSR.

7 § 2 Ulbmil

- 8 • NSR áigu ovddidit dásseárvvu, oktiigullevašvuoda ja ráfálaš ovttaseallima olbmuid ja álbmotjoavkkuid
9 gaskkas ja árvvu olbmo luonddu sorjjasvuhtii.
- 10 • NSR áigu duohtan dahkat sápmelaččaid iešstivrenguoigatvuoda ja váfistit sápmelaččaid boahhteáiggi
11 oktan álbmogin iežaset guovllus.
- 12 • NSR áigu veahkehit ásaht ja ollašuttit sápmelaš álbmotstivrejumi árrjalaš oassálastimiin sápmelaš
13 stivrengánaid demokrátalaš válggain
- 14 • NSR áigu váikkuhit ja ovddidit iešguđet lágan sámi kulturdoaimmaid ja fálddagaid guovddášdási, SOL
15 ja báikkálaš servviid bokte.

17 § 3 Giella

18 NSR váldogiella lea sámeigiella. Sámeigielain oaivvilduvvo davvi-, julev- ja lullisámeigiella. NSR luohttámušolbmot
19 ja čállingoddi galget eanemus lági mielde geavahit sámeigiella sihke čálalaččat ja njálmálaččat. Báikkálaš
20 servviin lea vuoigatvuoha oážžut vástádusa dan gillii mii geavahuvvo go váldet oktavuoda.

22 § 4 Miellahttuvuohta

23 **4.1** Miellahttuvuohta NSR:s lea báikkálaš servviid bokte. Ođđa báikkálaš searvvit dieđihit sisa čálalaččat ja ožžot
24 buot vuoigatvuodaid go Riikkastivra dán mearrida. Sihke báikkálaš searvvit ja eaŋkil olbmot fertejit dohkkehit
25 NSR ulbmiliid ja njuolggadusaid. Njuolggá miellahttuvuohta sáhtá addojuvvot eaŋkilolbmuide riikkastivrra
26 sierranas árvvoštallama vuodul. Guovddáš dásis čállojuvvo miellahttoregisttar masa riegádanjahki čállojuvvo.

28 **4.2** Miellahttuvuohta eaktuda máksojuvvon miellahttumávssu. Miellahttuvuohta guoská áigodahkii
29 ođđajagimánu 1 beaivvis juovlamánu 31 beaivái seamma kaleandarjagis go miellahttodiva lea máksojuvvon.

31 **4.3** Báikkálaš servviid njuolggadusat eai galgga rihkkut NSR ulbmilparagrafa. Báikkálaš servviin galgá leat
32 doaibma mii lea demokrátalaččat huksejuvvon, ja sin njuolggadusat eai galgga rihkkut NSR njuolggadusaid.

34 **4.4** NSR báikkálaš searvvit galget sáddet jahkeraporta ja dohkkehuvvon jahkedieđáhusa ja rehketoalu
35 maŋimus čađahuvvon dohkkehuvvon jahkečoahkkimis, mii lea dollojuvvon searvvi njuolggadusaid mielde,
36 jahkásaččat ovdal cuoŋománu 1. beaivvi. Báikkálaš searvvit fertejit doallat jahkečoahkkima mas válljejit stivrra
37 unnimusat juohke nuppi jagi.

39 **4.5** Ánsomiellahttuvuođa sáhtá addit. Ánsomiellahttu galgá maid jahkásaččat máksit miellahttomávssu.

41 § 5 Miellahttomáksu

42 **5.1** NSR Miellahttomáksu lea seamma stuorisin buot miellahttošlájá mielde. Riikkastivra mearrida makkár
43 miellahttošlájá NSR:s galget leat, ja jahkásaš miellahttomávssu juohke miellahttošládji. NSR gáibida
44 miellahttomávssu báikkálaš servviid ovddas.

46 5.2 Miellahttomáksu man organisašuvdna guovddášdásis gáibida báikkálaš servviid bealis galgá máhcahuvvot
47 ollislaččat báikkálaš servviide. Dán láhkai máhcahuvvo miellahttomáksu nu johtilit go vejolaš čuovvovaš
48 rehketoallojagi.

49

50 § 6 Riikkačoahkkin

51 6.1 Riikkačoahkkin lea NSR bajimuš orgána, ja lágiduvvo juohke nuppi jagi ovdal skábmamánu loahpa. Daid
52 jagiid go ii leat riikkačoahkkin, lágida organisašuvdna luohhtevašolbmuidkonferánsa.

53

54 6.2 NSR báikkálaš searvvit sáddejit áirasiid riikkačoahkkimii dan mielde galle máksi miellahttu sis leat
55 gaskamearálaččat manjimus guovtti jahkemolumis ovdal riikkačoahkkinjagi, jus riikastivra dohkkeha searvvi
56 raportta § 4.4. Árraslohku meroštallojuvvo ná:

- 57 • 0–15 miellahttolohku addá 1 áirasa riikkačoahkkimii,
- 58 • 16 miellahttu rájes gitta 25 miellahttu rádjái addet 2 áirasa riikkačoahkkimii,
- 59 • ja juohke ođđa álgojuvvon 25 miellahttu addet vel 1 áirasa.

60

61 6.3 Riikastivrras, nuoraidlávdegottis, SOL:s, válgalávdegottis ja NSR sámediggejoavkkus geatnegahttojuvvojit
62 searvat riikkačoahkkimii. Sis lea ságastallan- ja evttohanvuoigatvuohta, muhto ii jienastanvuoigatvuohta.

63

64 6.4 Riikkačoahkkin galgá unnimusat gieđahallat:

- 65 • Válljet 4 čoahkkinjođiheaddji
- 66 • Válljet 4 beavdegirječáli
- 67 • Válljet guoktása vuolláičállit riikkačoahkkima beavdegirjji
- 68 • Báikkálaš servviid boddu
- 69 • Riikastivrra ja nuoraidlávdegotti doaibmadieđáhusa, ja rehketoaldu ja rehketoalodárkkistanraportta
- 70 • SOL dieđáhusat doaimmaid birra, dan oktavuodas maiddá rehketoaldu ja
- 71 rehketoalodárkkistanraportta
- 72 • Riikastivrra ja nuoraidlávdegotti doaibmaplánaid ja bušehtaid
- 73 • SOL doaibmaplánaid ja bušehtaid
- 74 • Riikkačoahkkincealkámušat
- 75 • Válljet jođiheaddji ja 2 nubbijođiheaddji
- 76 • Válljet 3 riikastivraáirasa ja guokte vuoruhuvvon várrelahttu guhtiige
- 77 • Válljet 2 várrelahtuid juohke stivraáirasii
- 78 • Válljet jođiheaddji ja 4 miellahttu ja 5 vuoruhuvvon várrelahttu nuoraidlávdegoddái
- 79 • Válljet jođiheaddji, 2 miellahttu ja 3 vuoruhuvvon várrelahttu SOL:i
- 80 • Válljet jođiheaddji ja 2 miellahttu válgalávdegoddái

81

82 Riikkačoahkkin sáhtta ieš mearridit gieđahallat eará áššiid. Dása gáibiduvvo dábálaš eanetlohku.

83

84 6.5 Erenoamáš riikkačoahkkima sáhtta lágidit jus riikastivra eambo go 2/3 eanetloguin, dahje unnimusat
85 bealli báikkálaš searvvit stivramearrádušaid bokte 2/3 eanetloguin, dan gáibidit. Erenoamáš riikkačoahkkin
86 gieđahallá dušše daid áššiid mat leat vuodđun erenoamáš riikkačoahkkima gohččumis.

87

88 6.6 Riikkačoahkkima gohččun galgá sáddejuvvon manjimusat 60 beavvi ovdal čoahkkima. Áššelistu galgá leat
89 gárvis 30 beavvi ovdal riikkačoahkkima. Buot riikkačoahkkima áššebáhpirat galget leat gárvásat manjimusat 10
90 beavvi ovdal riikkačoahkkima.

91

92 § 7 Riikastivra

93 7.1 Ággis gaskal riikkačoahkkimiid, lea riikastivrra alimus orgána NSR:s. Riikastivrras lea riikkačoahkkimis
94 válljejuvvon jođiheaddji, organisatuvrralaš nubbijođiheaddji, politihkalaš nubbijođiheaddji ja 3 stivrralahttu,
95 dasa lassin boahhti miellahttu: okta NSR miellahttuin Sámeráđđái, NSR-N miellahttu, miellahttu parlamentáralaš
96 jođihangottis ja NSR-miellahttu Sámediggeráđis (go NSR:s lea ovddasteaddji doppe). Leat álgovuoggalaččat
97 NSR-N-jođiheaddji, parlamentáralaš jođiheaddji ja sámediggepresideanta geat bohtet riikastivrii, muhto sii
98 sáhttet nammadit earáid seamma orgánas boahtit sin ovddas.

99

100

101

102 **7.2 Riikkastivra galgá:**
103 • jođihit NSR doaimma riikkačoahkkimiid gaskkas, doaibmaplána, riikkačoahkkima eará mearrádusaid ja
104 bušehta vuodul.
105 • ovddastit ja buktit cealkámušaid NSR ovddas.
106 • čađahit ovttasbarggu NSR joavkkuin Sámedikkis.
107 • dárbbu mielde olbmuid addit fápmudusa áimmahuššat NSR oamastemiid.
108 • lágidity dárbbášlaš čállingotti doaimmaid, dákko bokte maiddá rehketdoalu ja revišuvnna lágideami.
109
110 **7.3** Jođiheaddji gohčču riikkastivrračoahkkimii, ja jođihit čoahkkimiid. Galgá maiddá gohččojuvvot
111 riikkastivrračoahkkimii jus unnimusat bealli stivraáirasin dan gáibidit. Stivra lea mearridanválddálaš go
112 unnimusat 5 stivraáirasat leat čoahkkimis. Jus jođiheaddji ii sáhte searvat, de juogo organisatuvrralaš dahje
113 politihkalaš nubbijodíheaddji jođiha čoahkkima.
114
115 **7.4** Jođiheaddjái, organisatuvrralaš nubbinjođiheaddjái ja politihkalaš nubbinjođiheaddjái eai leat válljejuvvon
116 várrelahtut. Jus sii eai sáhte searvat čoahkkimiidda de eará stivraáirsiid várrelahtut gohččojuvvojit čoahkkimii.
117
118 **§ 8 Bargolávdegoddi**
119 Riikkastivrračoahkkimiid gaskkas dahket jođiheaddji ja nubbijodíheaddji guovttos bargolávdegotti mii galgá
120 riikkastivrra ovddas jođihit searvvi riikkastivrračoahkkimiid gaskkas.
121
122 **§ 9 Nuoraidlávdegoddi**
123 **9.1** NSR nuoraidlávdegottis (oaniduvvon NSR-N) lea jođiheaddji ja 4 miellahtu geaid riikkačoahkkin vállje.
124 Nuoraidlávdegoddi lea mearridanválddálaš go unnimusat 3 miellahtuin leat čoahkkimis. NSR-N:s lea bastevaš
125 sadji NSR riikkastivrras.
126
127 **9.2** Nuoraidlávdegotti bargu lea:
128 • jođihit NSR nuoraiddoaimma riikkačoahkkimiid gaskkas, bušehta ja doaibmaplána vuodul.
129 • buktit cealkámušaid NSR ovddas nuoraidáššiin.
130 • rekruhttet ja doalahit oktavuoda NSR báikkálaš nuoraidservviiguin.
131 • čađahit doaimmaid gos oahpásmuvvá nuoraiguin ja nuoraidorganisašuvnnaiguin sihke riikka ja
132 riikkaidgaskasaš dásis.
133
134 **9.3** Mearrádusat dahkkojit ovttamielalašvuodain
135
136 **§ 10 Sámi Oahppolihttu**
137 **10.1** Samisk Studieforbund / Sámi Oahppolihttu / Sáme oahppolihttu / Saemien øøhpehtimmie-siebrie
138 (oaniduvvon SOL) lea sierra sámi oahppolihttu Ollesolbmooahpahušlága rámmaid siskkoabealde.
139
140 **10.2** SOL:s lea jođiheaddji ja 2 miellahtu geat válljejuvvojit NSR riikkačoahkkimis. Sáhtá dušše válljet NSR
141 miellahtuid. SOL doaimma muddejuvvo NSR riikkačoahkkima mearriduvvon njuolggadusaid mielde.
142
143 **§ 11 Sámediggejoavku**
144 **11.1** NSR sámediggejoavkkus leat NSR sámediggeáirasat.
145
146 **11.2** Sámediggejoavkku parlamentáralaš jođihangottis lea jođiheaddji, nubbijodíheaddji ja okta miellahttu. Sii
147 galget jođihit joavkku doaimmaid. Sámediggejoavku vállje parlamentáralaš jođihangotti.
148
149 **11.3** Dárkilat njuolggadusaid sámediggejoavkku hámadaga ja doaimma birra, mearrida joavku ieš.
150
151 **§ 12 NSR jođihangoddi**
152 NSR jođihangottis lea NSR jođiheaddji, parlamentáralaš jođiheaddji, NSR nuoraidlávdegotti jođiheaddji ja
153 vejolaččat sámediggepresideanta. Sii čoahkkinastet unnimusat oktii jagis. Jođihangoddi sáhtá earáid gohččut
154 čoahkkimiidda dárbbu mielde. Buot njeallje fásta lahtu sáhttet gohččut čoahkkimii.
155
156
157

158 **§ 13 Válgastivrrat**

159 **13.1** Riikkastivra doaibmá našunála válgastivran NSR:s sámediggeválggaid oktavuodas. Riikkastivrras lea
160 ovddasvástádus plánet sámediggeválggaid riikka dásis, masa gullá hábmet našunála válgaprográmma ja
161 bearráigeahččat ja doarjut válgabargguid biiredásis. Riikkastivra galgá bearráigeahččat ahte válgabiirres lea
162 dušše okta NSR-listu. Dárkilat njuolggadusaid riikkastivrra ovddasvástádusa birra leat gávdnamis NSR
163 listobarggu njuolggadusain.

164
165 **13.2** NSR válgastivrrain biiredásis lea ovddasvástádus plánet, organiseret ja čadahit biirres válgabargguid
166 Sámediggái. Válgastivrraid miellahtuid, geat galget leat NSR miellahttun, báikkálaš searvvit válljejit ovdal
167 čakčamánu 1. beaivvi jagi ovdal válgajagi. Báikkálaš servviid mearrádusaid mielde, galget válgastivrras leat
168 unnimus 3 miellahtu ja eanemusat 7 miellahtu. Juohke báikkálaš searvvis biirres galgá leat unnimus 1
169 miellahttu. Ovttaskas báikkálaš searvvit sáhttet mearridit ahte eai hálit searvat válgastivrii. Dasto válljejuvvo vel
170 okta miellahttu dan báikkálaš searvvis mas ledje eanemus miellahtut ovddit jagi, okta miellahttu das mas ledje
171 nubbin eanemus jnv., gitta eanemusat 7 miellahttui. Biirriin gos lea dušše okta báikkálaš searvvi doaibmá
172 báikkálaš searvi válgastivran. Válgastivrrat vuodđudit iežaset.

173
174 **13.3** Válgastivrraid barggut sámediggeválggaide leat:

- 175 • Válgastivrraid barggut sámediggeválggaide leat:
- 176 • fuolahit ahte NSR cegge listtu biirres, juogo akto dahje ovttas earáiguin
- 177 • árvoštallat, dahje mearridit listoovttasbarggu earáiguin, go dát lea ulbmilaš
- 178 • gohččut nominašunčoahkkimii ja leat nominašunlávdegoddi
- 179 • leat ovddasvástideaddji dasa ahte listtu deavdá formálalaš gáibádusaid ja nammadit listtu
- 180 • ovddasvástideaddji
- 181 • hálddašit válgagižžoruđaid ja deavdit sihkkaris rehketdoalu

182
183 **13.4** Válgastivrrat doibmet dassáži go ođđa lea válljejuvvon. Válgastivra galgá rapporteret válgabargguid birra
184 báikkálaš servviide ja Riikkastivrii ovdal válgajagi loahpa, oktan rehketdoaluin juhkkjuvvon ruđaid geavaheami
185 ovddas.

186
187 **§ 14 Dieđihanjoavku**

188 NSR:s galgá áiggis áigái leat dieđihanjoavku mas lea ovddasvástádus čuovvolit rapporterejuvvon
189 eahpesávahahtti dáhpusaid nu mo lea čállojuvvon Njuolggadusat mo gieđahallat seksuálalaš
190 loavkašuttimiid ja illástemiid. Lea riikkastivra mii nammada dieđihanjoavkku ja dat rapportere maid
191 riikkastivrii, dieđihanjoavkkus leat unnimusat 3 (5) olbmo ja das lea maiddá čállingottejodiheadji ja unnimusat
192 okta AU miellahttu. Dieđihanjoavkku mandáhta definerejuvvo *Njuolggadusat mo gieđahallat seksuálalaš*
193 *loavkašuttimiid ja illástemiid.*

194
195 **§ 15 Eará lávdegottit**

196 Riikkačoahkkin dahje riikkastivra sáhtá nammadit eará lávdegottiid. Mandáhta mearrida riikkačoahkkin dahje
197 riikkastivra.

198
199 **§ 16 Ovtadássásaš ovddasteapmi**

200 NSR stivrrain, ráđiin ja lávdegottiin galgá bargat dan ala ahte lea ovtadássásaš ovddasteapmi sohkabeliid
201 gaskkas. Dábálaččat galgá válljet dahje nammadit olbmuid nu ahte unnimus 40% goappáge sohkabealis lea
202 ovddastuvvon buot NSR orgánain.

203
204 **§ 17 Eará oasálastimat**

205 NSR sáhtá oasálastit oasusfitnodagain ja vuodđudusain go dát lea ulbmillaš.

206
207 **§ 18 Jienasteapmi**

208 Jus njuolggadusain ii leat eará mearriduvvon, de čuovvovaš jienastannjuolggadusat adnojit vuodđun orgánain
209 mat leat mearriduvvon njuolggadusaid bokte:

- 210 • Mearrádusaid dahká dábálaš eanetloguin. Dábálaš eanetloguin oaivvilduvvo; eanet go bealli
211 addjuvvon jienain.
- 212 • Válggain galgá geavahit dievaslaš eanetlogu. Dievaslaš eanetloguin oaivvilduvvo; eanet go bealli sis
213 geat leat čoahkkimis ja geain lea jienastannjuolggadusat.

- 214 • Jienasteamit dáhpáhuvet jienastamearka čájeheamiin. Jus válggain lea okta guhte dáhttu čálalaš
215 jienasteami, de galgá dan čadahit.
216 • Jus leat eanet go guokte evttohasa luohhtámušdoaimmaide ja ii oktage sis oaččo dievaslaš eanetlogu,
217 de galgaba dat guovttis geat oaččuiga eanemus jienaid oasálastit ođđa jienasteamis. Erenoamáš
218 jienasteapmi galgá leat čálalaš ja mearriduvvot dábálaš eanetloguin. Jus ain leat seamma olu jienat de
219 ferte geassit vuorbbi mearridan dihte válggaid.
220

221 § 19 Beavdegirjjit

222 Galgá fievrividuvvot beavdegirji daid stivrrain ja lávdegottiin mat leat mearriduvvon njuolggadusaid bokte.
223 Beavdegirjjiid galgá bidjat Internehtii, ja almmuhit báikkálaš servviide, biirestivraide, NSR
224 sámediggeáirasiidda, nuoraidlávdegoddái ja SOL:i. Riikkastivra sáhtá čilgehusa vuodul spiehkastit
225 almmuhanmearrádusas.
226

227 § 20 Huvdejeaddji doaibmabijut

228 Go organisašuvnna njuolggadusat rihkkovuvvojit sáhttet mearriduvvot huvdejeaddji doaibmabijut
229 luohhtevašolbmuid ja ovttaskas miellahtuide. Huvdejeaddji doaibmabijut mat sáhttet mearriduvvot leat:
230 váruhus; lihccojuvvot lágidemiin; errenáigi luohhtevašdoaimmain; massit luohhtevašdoaimmaid; lihccojuvvot.
231 Lea riikkastivra dahká mearrádusaid huvdejeaddji doaibmabijuid dáfus. Áššiin mat gusket seksuálalaš
232 loavkašuttimiid dahje seksuálalaš illástemiid birra dahká riikkastivra mearrádusa organisašuvnna
233 dieđihanjoavkku mearrádusevttohusa vuodul. Áššit lihchohallamiid birra čuvvot mearrádusaid njuolggadusaid §
234 21.4. Buot mearrádusat mat gusket huvdejeaddji doaibmabijuide sáhttet guoddaluvvot riikkačoahkkimii.
235

236 § 21 Eretcealkin – lihccun

237 **21.1** Sámediggeválggaid oktavuodas galget NSR luohhtámušolbmot guođdit doaimmaideaset jus servet listtuide
238 maid biire válgastivra dahje riikkastivra oavvildit adnet gilvaledjain. Dat orgána mii lea válljen dán olbmo,
239 dahje dat orgána mas dát olmmoš lea miellahtun, galgá dán oktavuodas fuolahit luohhtevašolbmo lihccuma.
240

241 **21.2** Báikkálaš searvvit ja báikkálaš servviid eanjkilmiellahtut sáhttet cealkit eret miellahttuvuođa NSR:s.
242 Eretcealkin galgá leat čálalaš ja lea doaimmas ovttá mánu maŋŋá go čálalaš eretcealkin lea joavdan.
243 Eretcealkinmearrádus báikkálaš searvvis ferte gieđahallojuvvot báikkálaš searvvi jahkečoahkkimis, ja gáibida
244 unnimusat 2/3 eanetlogu.
245

246 **21.3** Báikkálaš searvvit mat guokte jagi maŋŋálaga rihkkot § 4.4, sáhttet riikkastivra mearrádusa vuodul massit
247 miellahttuvuođa. Báikkálaš searvvit mat barget NSR ulbmiliid, doaimma dahje njuolggadusaid vuostá, sáhttet
248 massit miellahttuvuođa. Riikkačoahkkin mearrida lihccuma 2/3 eanetloguin. Báikkálaš searvi masa ášši guoská,
249 galgá beassat buktit cealkámuša riikkačoahkkimii ovdal go ášši mearriduvvo.
250

251 **21.4** Ovttaskas miellahtuin mat vuosttildit NSR ulbmila, doaimma dahje njuolggadusaid dahje leat garrasit
252 rihkkon organisašuvnna njuolggadusaid, sáhtá miellahttuvuohta váldot eret. Báikkálaš searvi sáhtá loktet
253 lihconášši báikkálaš searvvi jahkečoahkkimis, das gáibiduvvo 2/3 eanetlohku mearridit lihccoma, čuovvovaččat
254 ferte riikkastivra dahkat mearrádusa 2/3 eanetloguin. Riikkastivra sáhtá loktet lihconášši dieđihanjoavkku
255 mearrádusevttohusa vuodul ja dahkat mearrádusa 2/3 eanetloguin. Lihconmearrádus man riikkastivra lea
256 dahkan sáhtá guoddaluvvot riikkačoahkkimii. Miellahttui geasa guoská addo vejolašvuohta buktit cealkámuša
257 ovdal mearrádusevttohusa ja mearrádusa.
258

259 § 22 Njuolggadusaid rievdadeapmi

260 NSR njuolggadusaid sáhtá dušše riikkačoahkkin 2/3 eanetloguin rievdadit. Njuolggadusaid rievadanevttohusa
261 sáhtá riikkastivra, nuoraidlávdegoddi dahje báikkálaš searvi ovddidit. Njuolggadusrievdanárvalus galgá
262 sáddejuvvot NSR čállingoddi maŋimusat 45 beavvi ovdal riikkačoahkkima. Čállingoddi sádde
263 rievadanárvalusa báikkálaš servviide unnimusat 30 beavvi ovdal riikkačoahkkima. Njuolggadusaid
264 rievdadeapmi fápmuibohtá dakkaviđe maŋgilgo riikkačoahkkima dan lea dohkkehan.
265

266 § 23 Heaitiheapmi

267 Mearrádus ahte heaittihit NSR gáibida 3/4 eanetlogu 2 dábálaš riikkačoahkkimiin maŋŋálagaid. Heaittiheami
268 oktavuodas galgá NSR opmodagaid juohkit báikkálaš servviide miellahttulogu vuodul maŋemuš jahkemolsumis.
269 NSR arkiivva galgá vejolaš heaittiheame oktavuodas addojuvvot Sámi Arkiivvi.